

**AWIG – AWIG
DESA ADAT
PEMPATAN**

DAGING AWIG – AWIG

(SARGA LAN PALET)

Nomor		Daging Awig – awig	Kaca
1.	Murde wakyé	:.....	1
2.	Sarge A	:	
	Dasar Tatujon /wawengkon	:.....	2
	Palet I	: Dasar / Tatujon.....	2
	II	: Waste kalih wewengkon.....	2
3.	Sarge B	:.....	3
	Sukerta Tate Agama	:.....	3
	Palet III	: Kayangan/genah Suci	3
	IV	: Pemangku.....	4
	V	: Druwe Pure /Labe Pure.....	5
	VI	: Setre / seme.....	5
	VII	: Pengabenan / Atiwe – tiwe	6
	VIII	: Sesebelan	7
4.	Sarge C	:	
	Sukertan Tate Pekraman	:.....	7
	Palet IX	: Prajuru	7
	X	: Krame Desa Adat	8
	XI	: Peparuman	9
	XII	: Pengayah kalih peturunana	10
	XIII	: Pasukertan Desa	11
	XIV	: Ngentasang Sawa	13
	XV	: Wewalungan	13
	XVI	: Kukul	14
	XVII	: Dusta muah baya	15
	XVIII	: Pamidanada	15
5.	Sarga D	:	
	Tata Treptining pawongan	:.....	16
	Palet XIX	: Indik Pawiwahan	16
	XX	: Santana	18
	XXI	: Babaluan	20
	XXII	: Wicara	20
	XXIII	: Ngembasang Rare	21
6.	Sarga E	:	
	Palet XXIV	: Idik penutup	21

DAGING AWIG-AWIG
(PALET LAN PAOS)

Nomor		Daging Awig- Awig	Kace
1.	Palet I	: Dasar Tatujon	
		1. Dasar.....	2
		2. Tatujon.....	2
		3. Utsaha.....	2
2.	Palet II	: Wasta kali wawengkon	
		4. Wasta	2
		5. Wawengkon.....	2
3.	Palet III	: kahyangan / Genah Suci	
		6. Indik Kahyangan.....	3
		7. Pengaci.....	3
4.	Palet IV	: Pemangku	
		8. Indik Pemangku	4
		9. Swedarmaning pemangku.....	4
		10. Olih-olihan Pemangku	4
5.	Palet V	: Druwe Pura / Labe Pura	
		11. Indik tanah pelabe	5
		12. Indik pokok/Kas.....	5
6.	Palet VI	: Setra / Seme	
		13. Setra.....	5
		14. Ngangge setra	5
7.	Palet VII	: Pengabenan	
		15. Indik pengabenan	6
8.	Palet VIII	: Sesebelan	
		16. Indik sesebelan	7
9.	Palet IX	: Prajuru	
		17. Indik Prajuru	7
		18. Indik swadarmaning Prajuru	7
		19. Olih-olihan Prajuru	8
10.	Palet X	: Krame Desa Adat	
		20. Indik Krame	8
		21. Wusan mekrame	8
		22. Indik tamyu	8
11.	Palet XI	: Peparuman	
		23. Indik Peparuman	9
		24. Peparuman Desa /Banjar Adat	9
		25. Peparuman Prajuru.....	10
12.	Palet XII	: Pengayah kalih Peturunan	
		26. Indik ayahan	10
		27. Peson-peson peturunan	11
		28. Leluputan	11
13.	Palet XIII	: Pasukertan Desa	
		29. Indik margi.....	11
		30. Karang paumahan	12

Nomor		Daging Awig – awig	Kaca
14.	Palet XIV	: Ngentasang Sawa	
		31. Indik ngentasang Sawe	13
15.	Palet XV	: Wewalungan	
		32. Indik wewalungan	13
16.	Palet XVI	: Kulkul	
		33. Indik Kulkul	14
17.	Palet XVII	: Dusta Miwah Baya	
		34. Indik dusta/baya	15
		35. Tataning maseserep	15
		36. Indik polih nuduk barang	15
18.	Palet XVIII	: Pamindanda	
		37. Wiwakang pamidanda.....	15
		38. Rerampangan	16
19.	Palet XIX	: Pawiwahan	
		39. Pastika alakirabi.....	16
		40. Ngerorod	17
		41. Wetes	17
		42. Palas merabian	18
		43. Tan dados alakirabi.....	18
20.	Palet XX	: Sentana	
		44. Darmaning sentana.....	18
		45. Ngangkat sentana	19
21.	Palet XXI	: Babaluan	
		46. Indik babaluan	20
22.	Palet XXII	: Wicara	
		47. Sulur wicara	20
		48. Sangsi wicara	20
		49. Pemutus wicara	20
23.	Palet XXIII	: Ngembasang Rare	
		50. Indik ngembasang rare	21
		51. Kala bubangan	21
24.	Palet XXIV	: Penutup	
		52. Pararem	21
		53. Muput Awig-awing	22

(1)
OM WINGNHAM ASTU
MURDHA WAKYA

Melarapan antuk saking panghyaning kalih pasuecan Ida Sanghyang Widhi Wasa , asung kerta nugraha ngawentenang ,kahuripan sekalea niskala ring bhuane alit lan bhuane agung makadon kasuastan .Bhuane kalih ngastuti ngeranjingin tate Susila ,Tate Krame sane mekawit sinar kesucian Agama Hindu nganutin Desa Kala Patra ,kalih Tri semaye(atita,Nagate wartemana lan Tri Premana /Presiaksa, amana Agame) maduluran antuk karaketan pasikian manah sejeroning Krama Desa Adat miwah Krama Adat sewosan minakadi nemesang tulung tinulung ,gumanti mangguh sukertan ,Trepti wiwah kerahajengan

Titiang sinamian saking Krame Desa Adat Pempatan midabdabin kalih nyungkemin Awig-awig sane kemanggihin utawi kemaggehang ring wewengkon Krame Desa Adat Pempatan kadi ring sor puniki.

(2)
SARGE A

DASAR / TATUJON /WAWENGKON

Palet I : Dasar / Tatujon

- Paos 1. Dasar
- Awig awig Desa Adat Pempatan puniki ngemangguhang dasar :
- a. Medasar antuk Pancasila UUD 1945 (Undang-Undang Dasar 1945)
 - b. Siosan ring dasare ring ajeng , Awig-awig puniki taler medasar pasilin asih pasuke duke manut Desa Kala Patre.
- Paos 2. Tatujon
- Tatujon ipun :
- a. Ngerajegan Hindu Dharma mejalaran antuk astiti Bhakti ring Ida Sanghyang widhi Wasa.
 - b. Wincapang keweruhan Ikrame Krame Desa Adat ,kalih ngewerdiang ,bogo,Upa bogo ,Pari Boga.
- Paos 3. Usaha
- Mangde sida ngamolihin kadi tatujon ring ajeng ,Krame Desa Adat Pempatan puniki ngutsahayang :
- a. Ngarajengang pasukertan sejeroning Desa Adat .
 - b. Miara / mecikang among-amongan Krame Desa Adat.
 - c. Ngalimbakang pewanungan padruean miwah kauningan
 - d. Ngawentenang wiadin ngalimbakang genah – genah miolihang pekaryan

Palet II

Waste kalih wawengkon

- Paos 4. Wawengkon

- Paos 4. Wasta

Desa adat puniki mewaste Desa Adat Pempatan .

- Paos 5. Wawengkon

1. Wawengkon krame Desa Adat puniki :
 - a. Krame Banjar Adat Dauh Rurung
 - b. Krame Banjar Adat Dangin Rurung
2. Wates wawengkon Desa Adat puniki :
 - a. Sisi Kangin Desa Adat Sanda
 - b. Sisi Kelod Desa Adat Angkup Gubung
 - c. Sisi Kauh Desa Adat Padangan
 - d. Sisi Kaler Desa Adat Batungsel
3. Desa Adat Pempatan puniki ngemponin kalih nyungsung Tri Kahyangan
 - a. Kahyangan Puseh
 - b. Kahyangan Dalem
 - c. Kahyangan Bale Agung /Pemaksan Agung

- Paos 6 INDIK KAHYANGAN
1. Para prajuru kahyangan ngenterang ikrame mangde ngemanggehang kesucian Kahyangan panyiwianaya .
 2. Sane kemanggehang Kahyangan Desa Adat ingih punika :
 - a. Tri kahyangan
 - b. Dang Kahyangan
 3. Kahyangan sane manggeh ring ajeng (2) prabea pamiaran ipun kasungkemin /kemedalin antuk Krame Desa Adat
 4. Bacakan letuh candalana sane tan dados ngeranjing ring sejeroning Kahyangan luih ipun :
 - a. Jadme Luhb sane sebel kandel, ngeraje swale.
 - b. Katuton ,maduwe oka during tutung asasih pitung rahina (42) hari sane Lanang wantah 11 hari .
 - c. Jadme cuntake sakeng kepademang (sadurunge tutung sengker manut pararem).
 - d. Sang keni sakit ila, jatme buduh , sakit kuning wong mabot kesanggaman tan sinonggaskara, cede angga samsangan tan wenden,cokor tan wenten ,buduh sane merusak pura.
 5. Ring sejeroning penyengker kahyangan tan dados ngelaksanayang sahanan laksane sane sinanggeh meletuhin mekadi :
 - a. Menemah/ memisuh , kalih wak reged sewosan .
 - b. Mejajal / merebat
 - c. Mebacin, mewarih, masanggama.
 - d. Ngambahang rambut .
 - e. Menahin wastre
 - f. Menek tuwun ring pelinggih-pelingih yan ten keparisude oleh Pemangku/ Prajuru .
 - g. Ngeranjing kepura ,yang tan polih panungran Pemamangku/Prajuru Adat.
 6. Ring Ikrame sane ten minutin /mamerung larangan inucap ring ajeng , wenang kesisipan , kapidanda manut Pararem.
- Paos 7. Pengaci
1. Prajurune patut mastikayang indik piodalan miwah aci-aci ring Kahyangan ,ageng alit, sarane Upakarenya lan tata pengelok sananya.
 2. Prabiyan ngaci /piodalan munggah kabuatan Kahyangan , patut kemedalang antuk ikrame panyungkem.
 3. Prajurune patut mastikayang pemangku- pemangkune sane yogya munggah tedun ring kahyangan miwah ngelenang pralingga Ida Betara .
 4. Prajurune patut taler mastikayang penyaden pemangkune kengin munggah tedun ring Kahyangan Suci.

Sejabaning sang kepastikayang oleh prajuru , sape sire ugi tan wenang munggah tedun ring Kahyangan miwah ngambil praline panyiwian penyungkem .

5. Muspa / ngaturang canang ring Kahyangan ritatkale odalan patut ikrame mepengangge adat,samistan ipun mangde ngangge kampu , salendang ,salempot.

PALET IV

PEMANGKU

Paos 8 INDIK PEMANGKU

1. Ring suang-suang kahyangan sane wenten keamongin oleh krame Desa Adat Pempatan kewentenang pemangku.
2. Kengin taler kawentenang penyade pemangku manut kabuatan kalih pararem .
3. Ngadegang pemangku miwah panyade pemangku patut nganutin dudonan pitekat ring sor :
 - a. Ngawilang saking keturunan .
 - b. Nunas pawuwuh widhi/nurunang .
 - c. Pilihan Krame Desa Adat
4. Prabiya Upakara pawintenan (adiksa widhi) pemangku miwah penyadenya kemedalang antuk ikrame Desa Adat
5. Genah ngawentenan pemangku miwah penyadenya, patut ring pura sane jadi kamongin .
6. Sane tan dados keadegan pemangku luar ipun :
 - a. Sang ceda angga.
 - b. Sakit ila,buduh,ayan .
 - c. Tan uning sastra, mekadi sastra Bali .
7. Pemangku kawusan saking nganutin kaputusan pararem miwah pawuwus.
8. Sinalih tunggil pemangku ring kahyangan kapiambeng , indik pangacene dados kemargiang antuk pemangku sane tan kapiambeng minekadi :
 - a. Panyade .
 - b. Pemangku saking kahyangan tiosan sejeroning Desa Adat Pempatan.

Paos 9 Swadarmaning Pemangku

Swadarmaning Pemangku Kahyangan Desa Adat Pempatan luar ipun :

- a. Wenten , nganterang krame panyungkem ngemanggehang kesucian kahyangan .
- b. Munggah tedun ring kahyangan miwah mayasin pralingga, palinggih -palinggih miwah sarane kahyangan inucap manut pastikan prajuru .
- c. Wenten ngilenan lan ngemargiang yadnyan ikrame .

Paos 10 Olihan -Olihan Pemangku

Olihan -olihan pemamgku luar ipun :

- a. Kekercen sarin pengeluaran manut pararem .

- b. Sarin canang penauran manut pararem .
- c. Pesalinan /pengangge ritatkale wenten aturan manut pararem.
- d. Miwah sane sewosan manut pararem .

PALET V

DRUWEN PURA /LABE PURA

- Paos 11 INDIK TANAH PELABE
- 1. Tanah-tanah tegal miwah carik, padruwen pure/Kahyangan amongan krame Desa Adat Pempatan kewastaning pelabo pura.
 - 2. Pelabo pura inucap patut wenten ilikitanya
 - 3. Pelabe inucap patut keinterang oleh prajuru manut dadudonannya.
 - 4. Pikolih utawi opon-upon tanah pelabe punika dados padruen krame Desa Adat Pempatan tur kepastikayang kebuatanne keanggen prabiyan kasukertan krame Desa Adat,sekale lan niskala
- Paos 12 INDIK POKOK
- Pokok kas Druwen krame Adat , sadurunge keanggen olih ikrame sekadi inucap ring ajeng (4) kegambel antuk patengen (Bendahara) Desa Adat Pempatan .

PALET VI

SETRA / SEMA

- Paos 13 SETRA
- 1. Genah mendem sawe pamongan sang ma agama Hindu ring Desa Adat Pempatan kewastaning Setra Sema/ Setra Hindu.
 - 2. Dadudonan Setra punika wenten 4 (petang soroh) minekadi :
 - a. Sema Cenik
 - b. Sema Bajang
 - c. Seme Tue
 - d. Sema Tamiyu
 - 3. Ikrame Desa Adat madruwe wewenang tur kuase miare, mecikang, midabdab pamendeman ring Setra manut pararem.
 - 4. Sang pacang nganggen Setra patut nunas kabebasan Prajuru saha tata caraning ngangge manut kadi dresta miwah pituduh prajuru inucap.
 - 5. Wang banjara patut nginutin mangde sahananing letih sterane tan ngalalah ke banjar Pakraman pilih-pilih kakahyangan.
- Paos 14 NGANGE SETRA
- 1. Jatme tamyu / panumpang ,jadma sane tan kesarengan makrame miwah jadm siosan ,sane ma Agama Hindu Sakuwuban Desa Adat Pempatan kadadosang mendem sane kalih ngaben ring Setra inucap ring ajeng yaning sampun nawur pinuke setra ageng alit ipun manut pararem.
 - 2. Sang sane inucap ring ajeng (1) lianan ring naur panuku-panuku setra patut ngawentenang aci mamendem /palebon ring setra nganutin tata cara Agama Hindu kalih sine dresta
 - 3. Sapesira ugi jagi mamendem sawe nenten kedadosang nginepang bangbang.

4. Ring Setra Desa Adat Pempatan tan kedadosang mendem sawe yaning nemoning
 - a. Rahina Purname -Tilem
 - b. Rahina anggara kasih budha kliwon tumpek
 - c. Kale Gatongan,Semut Sadulur
 - d. Ngapuanang
 - e. Rahina melaspas palinggih sajeroning Kahyangan
5. Sawan rare during tumbuh gigi /during tigang sasih /105 hari/patut kapendem pramangke tan ngetongin larangan.
6. Sajeroning Desa Adat yening jagi wenten mendem sawe Lintangan ring adiri sajeroning arahina , kapatutang sane tampekan ring setra memargi rahina asapunike taler pemargin palebon punika.
7. Yening arahina punika wenten anak mendem saw elan ngaben , ilen mendem sawe punika patut kadumunang sasampun ipun wawu kemargiang ilen pangabenan.
8. A. saluwiring gagumuk/kuburan ring setra sane kebawas ngalikadin oleh Iprajuru Desa patut gagumuk punika kagubar antuk sang maduwe
B. Yening sang maduwe piwal,gagumuk punika dados kagubar antuk Ikrame
Desa tan dados wicarayang .
9. Sajeroning setra / sema Desa Adat Pempatan nenten kadadosang nunjel sawe
10. Sawan jatme padem sakit ila , patut kapendem ring setra sane genahe kepatutang kapituduhang oleh Iprajuru Adat.
11. Sawan jatma padem salah pati,angulah pati wiadin ipun kapendem sekadi jadma padem biasa tur sadurunge kapendem sawan ipun dados ka bakte ngeranjing kapakubanan ipun kaprateka nganutin Agama Hindu kalih sane dresta .ngalebiji di Pura-pura di tanggung olih banjar.

PALET VII

PENGABENAN / ATIWA -TIWA

Paos 15

INDIK PENGABENAN

1. Krame panyungkem Desa Adat Pempatan sane pacing ngaben / atiwa -tiwa patut masadok ring prajuru Desa Adat mangde katuntun tan kasukertan Desa miwah Kahyangan.
2. Pidabdab nitemin tur nuntun kadi inucap kalaterang indik ipun :
 - a. Sawan won glare sadurung mayusang tigang sasih (105 hari) tan patut kaabenang.
 - b. Sawan wong rare sane mayuse langkungan ring tigang sasih ,sewanten during maketus ,kapatutang ngalungah.
 - c. Sawan wong rare sane sampun maketus ngantos salantur ipun patut kaabenang sejangkep nyane
3. Saluwiring jadme padem ,sajeroning pitung rahine kangin keabenang ,maupekare agung wiadin alit, sajawaning wenten pawilangan tios olih pararem /prajuru Desa Adat.

(7)

4. Nanging sane padem tan sareh miwah sakit ila patut mawewah upakare penebusan
5. Pekaryan atiwa -tiwa upakara patut kapiserah ke banjar.

PALET VIII

SASEBELAN

Paos 16 INDIK SASEBELAN

1. Pengambilan sasebelan ring Desa Adat yan sawane mapendem wit saking mapendem jantos tigang rahine
2. Yaning pengabenan ,Desane ngambil sebel ngawit saking ngulapin jantos tigang rahina saking pakutangan palebon.
3. Sane keni sebel ngarep sakuwuban ,matunggalan sanggah gede utawi pajenengan
4. Sang sane sebel sekadi inucap ring ajeng katuju namonin wenten upacara ring Kahyangan ,ipun kaluputang saking ayahag

SARGE - C

SUKERTAN TATA PEKRAMAN

PALET IX

PRAJURU

Paos 17 INDIK PRAJURU

1. Krame Desa Adat punika kaenterang antuk :
 - a. BENDESA ADAT
Make pame Krame Desa Adat , keenterang antuk kelian banjar Adat ,pinake panyangre Banjar Adat
 - b. JURU TULIS / SEKRETARIS
Make juru tulis kalih patilik sukartam Krame Desa Adat
 - c. PATENGGEN /BENDAHARA
Make pangemong padruwen Desa Adat
 - d. JURU ARAH
Make juru gumancang
2. Prajuru-prajuru Desa Adat ring ajeng kapilih kawusang saking pararem Krame Desa Adat nyambran 5 (lima) warsa sawawaning wenten parindik sane mabuat.
3. Sahanan prajuru-prajuru adate punike patut kapilih saking krame Adat panyungkem sareng sinamian

Paos 18 INDIK SWADARMANING PRAJURU

1. Swadarmaning Prajuru -prajuru Adat luwir ipun :
 - a. Nganterang paruman-paruman Adat
 - b. Nganterang pengelaksanaan sadaging awig -awig pamutus pararem
 - c. Ngerakse sahe ngatur tata cara ngange sahanan raja brane padruwen Desa Adat

- d. Wenten sahe ngenterang warge krame Adat melebang wiadin ngelaksanayang sapecaraning Agama, Kasucian, Pawongan, Kasucian Palemahan miwah ngamargiang tata caraning sane tiosan.
 - e. Mawasin tur meragatang indik wicara warga krame adat sane wenrten paiketannya ring Awig-awig miwah pararem -pararem krame Adat
 - f. Nampanin (ngewakilin) krame Desa Adat ritatkale ngawentenang bawosan ring sapesire ugi.
 - g. Taler ngewakilin ring wicarane sane tiosan sane wenten paiketannya ring Awig-awig Desa Adat
2. Tata cara ngelaksanayang swadarmaning ring ajeng tan tan maren patut manut ring Awig-awig pararem-pararem dresta miwah pamutus paruman krame Adat
 3. Pelaksanane ring ajeng patut kesiarang ring paruman krame Adat kepungkur ipun.

Paos 19 OLIH-OLIHAN PRAJURU

Olih-olihan prajuru Desa Adat Pempatan luih ipun :

- a. Laluputan ayahan ,peson-peson miwah paturunan
- b. Mawah olih-olihan lianan manut pararem

PALET X

KRAME DESA ADAT

Paos 20 INDIK KRAME

Pengungkem /krama Desa Adat punika ingih punika sang sapesira ugi sane wenten ring wawengkon Desa Adat tur sampun madruwe karang paumahan kalih nganutin Agama Hindu .sejabe punike simanggeh tamyu.

Paos 21 WUSAN MEKRAMA

1. Wusan mekrame mejalaran antuk :
 - a. Megingsir mekrame Adat kawengkon Desa Adat tiosan
 - b. Tan kesarengan mekrame Adat manut pararem.
2. I warge Desa Adat sane wusan mekrame wenten polih bahagian punape punapi padruen Desa Adat
3. I warge sane wusan mekrame punike kengin malih mekrame Adat manut pararem.
4. Pamuput sang wusan mekrame ngawitin nyabran piteket odalan ring kahyangan /ngilenang wyepi (Paum Gede)

Paos 22 INDIK TAMIYU

1. Kramane sane nampi tamiyu jantos , makolem patut masadok ring kelian banjar.
Nanging yan tamiyu punike marupa wenten kulawarganya ring banjar wiadin tamiyusane sampun biasa /keuningan olih I krama ,keanutang ring dresta banjar

2. Prade tamiyune pacang madunungan jantos langkungan ring awuku (7 hari)
.Kelian Banjarnya patut nureksain pisan make buatan wiadin tatujon nya miwah surat-surat keterangannya.
3. Yan wenten jadme tamiyu sane ngerereh pangupa jiwa magenah numpang ring wewengkon Desa Adat puniki suwen ipun lintangan ring asasih ,selantur ipun patut itamiyu punike nawur batu-batu apisan kalih nyabran sasih nawur dana ring Desa Adat , Ageng Alit ipun manut pararem.
4. Yaning jadme tamiyu punike tan nganutin sekadi inucap ring ajeng I warga Krame Desa Adat sane ngajak tamiyu punika kasisipan tur kadenda makeweh ipun sane patut katawur antuk tamiyu punika utawi sang merage tamiyu patut kabudalang tur tan polih pesayuban Desa Adat manut pararem
5. Sekancan jadme tamiyu sane tinut ring panuduran Awig-awig pararem Desa Adat ,yaning ipun ngawentenang karya suka duka ring genah ipun madunungan polih pengayoman saking Krame Desa Adat.

PALET XI

PEPARUMAN

Paos 23 INDIK PEPARUMAN

1. Peparuman wenten 3 (tiga) soroh luih ipun :
 - a. Peparuman Desa Adat , kawentenang manut kabuatan sakirang ipun awarsa apisan .
 - b. Peparuman Banjar Adat , kawentenang manut kabuatan sekirang ipun 6 (enam) sasih apisan .
 - c. Peparuman prajuru Desa Adat kawentenang manut kebuatan sekirang ipun 3 (tigang) sasih apisan .
2. Peparuman sinnanggeh ngawisesa mawinan tan maren kamanggalaning antuk ilen pengaci ring Ida Betara sahe Widhi widane antuk canang pengerawos.

Paos 24 PEPARUMAN DESA / BANJAR ADAT

1. RING PEPARUMAN Desa utawi Banjar Adat prajurune patut nyiarang separindikan :
 - a. Pemargi ,penelas miwah sulur arta berane ,padruwen Desa Banjar Adat
 - b. Pemargi usaha-utsahe Desa utawi Banjar Adat sane mabuat
 - c. Sahanan wicara saha pamutusnya
 - d. Rencana prajuru separa indik usaha kartin krame kapungkur .
 - e. Mujur lungsuring pekraman .
2. Sahanan pasuara-suara ring peparuman patut kabligbagang tur kaputusang olih peparuman krame Adat tur katinutin olih Krame Adat lan Prajuru
3. Keputusan-keputusan peparuman / pararem kebawos sah tur manggeh dados Awig-awig utawi pasuaran yaning sampun kerawuhin atuk warga lintangan ring $\frac{1}{2}$ (setengah) tur kecumponin olih sinareng sami sane rawuh mejalaran pasungkem pararem (musyawarah mufakat)
4. Sahanan pamutus kapisaratang pisan magde melarapan antuk pasilih asih (musyawarah) yaning tan meresida wawu nganutin suarane sane makehang pinake manggeh pamutus.

5. I krama sane nyedokin peparuman ring ajeng kedanda, ageng alit ipun manut pararem
6. Sang nyedorin peparuman kengin luput ring danda yaning :
 - a. Kapiambeng sakit (sungkan)
 - b. Kapiambeng matepetin
 - c. Kapiambeng kepademan
 - d. Kapiambeng karya suka duka
 - e. Kapiambeng mamakuh , ngerabin pepayonan
 - f. Nandur patut kengin luput ring danda rikala ma ajak-ajakan .
 - g. Kaluasan ,nanging sesampune kawentenang pesadok tur polih kebebasan ring prajuru.
 - h. Keampelan subak .
 - i. Tan polih orahan .

Paos 25 PEPARUMAN PRAJURU

1. Peparuman prajuru ketuntun olih Bendesa Adat
2. Peparuman prajurune wantah ngarincikan tata upaya pengundika ngelaksanayang usaha miwah ngerencanayang usaha krame penyungkem.
3. Sahanan rancangan /pemutus kerancangan prajurune tan wenang ngelaksanayang sedereng keputusan (kecumponin) olih peparuman Krame Desa / Banjar Adat manut dedudonannya.
4. Peparuman prajuru kewentenang peparuman krame.

PALET XII

PENGAYAH KALIH PATURUNAN

Paos 26 INDIK AYAHAN

1. Sinalih tunggil ikrame Desa Adat sane ngemangehang Agama Hindu , yaning sampun 1 tahun merabi suwen ipun (ngawit saking rahina pengambilan) patut tedun ngayah ring Krame Desa Adat sane kawastanin pengayah .
2. Krame Desa Adat sane sampun merabi yaning maduwe putra adiri tur sampun merabi ,wiadin putra istri tur sampun kerajegang sentana kalih sampun merabi patut iputra punika kemanggehang panyeledi tur ngayah (reraman ipun luput).
3. Ikrame sane kantun merabi yaning medruwe putra lintangin ring adiri tur sampun pade pade merabi sejawaning adiri,patut tedun ngayah .
4. Balu-balu reban , sane pianaknyane kantun alit-alit patut keni ayahan yaning balu luh keni ayahan luh yaning balu muani keni ayahan muani.
5. Balu reban keni ayahan :
 - a. Balu muani ,madruwe pianak muani kewanten keni ayahan balu muani .
 - b. Balu remban luh wiadin muani yaning madruwe pianak sampun doha taruna keni ayahan memungkul.
 - c. Balu luh medrue pianak luh kewanten keni ayahan luh .
6. A. pengayah punika dados ngewakilang
B. yaning ipun ngemargiang swadarmaning negara, dados ngewakilang utawi dados mogpog/nunas ayahan.

7. Nyabran ngawitin karya / Odalan ring Kahyangan patut ngawentenang cacah jiwa (sensus) pakraman / ayah -ayahan kapikukulin antuk pemutus paruman krame Desa Adat Pempatan

Paos 27 PESON-PESON MIWAH PATURUNAN

Peson-peson paturunan sekancan upakare -upakara prabea wiadin pelakaran sane menggah ring amongan Desa Adat patut kemedalin antuk iwarga Desa Adat kadi ring sor poniki :

- a. Pengayah keni memungkul
- b. Balu reban keni memungkul
- c. Balu ngelentik keni atenge / mamungkul nganutin padruwen , kaputus antuk pararem.

Paos 28 LELUPUTAN

1. Prajuru Desa Adat Pemangku Tri Kahyangan keni pepesuan $\frac{1}{2}$ (separuh) kalih peturunan
2. Jadme ubuh meme bapa kantun alit-alit jadme ruyud luput utawi keni ayah-ayahan pepesuan miwah peturunan kaputus manut pararem
3. Jadma sakit ila ,buduh,buta,rumpuh miwah sekancan punika luput ayahan pesuan-pesuan miwah paturunan
4. Nyabran ngawitin karya Adat patut ngawentenang cacah jiwa sane polih leluputan kepekukuhin antuk pemutus paruman krame Desa Adat Pempatan

PALET XIII

PASUKERTAN DESA ADAT

Paos 29 INDIK MARGI

1. Ring wewengkon Desa Adat patut kawentenang margi ,madudonan manut keperluan margine punika :

Margi padruwen Desa Adat

- a. Margi agung (utama) gimbaranya sekirang ipun 6 meter
 - b. Margi alit (gang) gimbaranya sakirang ipun $\frac{1}{2}$ meter
 - c. Margi kepabianan / jalan kebun
 1. Margi ageng /umum gimbaranya sekirang ipun 2,5 meter
 2. Margi alit /jalan setapak gimbaranya sekirang ipun 1,5 meter
 - d. Margi ngentasang wewalungan gimbaranya sekirang ipun 2.5 meter
2. Ring seanan margi patut kewentenang kekalen (got)ageng alit ipun manut kebuatan
 3. Pamiaran margi sane kebawos ring ajeng kemedalin olih ikrama desa adat manut keperluan.

1. Wates wewangunan karang paumahan ring wewengkon Desa Adat Pempatan inggih punika:
 - a. Sisi kangin : Desa Adat Sanda
 - b. Sisi kelod : Campuan patut
 - c. Sisi kaje : Desa Adat Batungsel
 - d. Sisi kauh : Desa Adat Padangan
2. Sahanang karang paumahan patut
 - a. Pastika wenten bates ipun
 - b. Mapemedal kerurung
3. Sahanan krame patut ngusahayang ngawatesin karangnyane soang-soang jantos side trepti ngatur Desa .
4. Wates karang sane majepitan , patut katengen antuk ikrame sane maluluan ka wates inucap manut purwa Dresta.Taru miwah olih-olihan sane urip ring wates inucap kadruwe olih sang negen.
5. Wates sane marep kemargiang ,patut katembok wiadin kapagehin antuk sang madruwekarang.
6. Pawatesan sane kawangun tan wenang ngalikadin ,molinin ,mabaya,ngeletehin,utawi ngawenang rusak karang penyanding perade wenten asapunika patut ketiwakin olih Iprajuru Desa Adat kadi ring sor puniki :
 - a. Yan prade wates tembok wiadin pagehan kerasayang ngelikadin dados kegentosin antuk pinget kewannten .
 - b. Seluiring pemula-mulaan tan dados meungkulin kepekarangan paumahan siosan tur ring ngawit mamule magde madah sekarang ipun adepe agung (2,5 meter) saking wates.
 - c. Pamula-mulaan sane kepatutang mabah,mabut miwah katotor patut kelaksanayang antuk sang madrebe pemula-mulaan punika.
 - d. Rikale notor wiadin ngebah pemula-mulaan raris mayanin wewangunan anak lian, sang madrebe pemula-mulaan punika patut negen sekancan prabean kerusakan miwah prabean upakara pramasyascita.
 - e. Yang sang medrebe pemula-mulaan punika nenten merasidayang notor wiadin ngebah pemula-mulaan punika patut ketotor wiadin kebah antuk sang keni baye tur kesaksi olih Iprajuru Desa Adat sang medrebe pemula-mulaan nenten polih punape-punapi.
 - f. Yan wenten pemula-mulaan bah wiadin empak, melarapan saking ganjih utawi ten ganjih ,tur mayaning wewangunan anak lianan , sang madrebe pemula-mulaan punika patut nengen prabea kerusakan miwah upakare pamrasyascita.
7. Tan kuasa
 - a. Ngungkulang rab, pewangunan punape punapi ngelintang wates
 - b. Ngangen wates kekuasaan anak sios.
 - c. Ngembahang toye wit sakit badan wewalungan jempeng/kakus, pasiraman ,pewarengan miwah sane sios-siosan sane ngewetuang ambu /pakeweh ke pekarangan anak lian kalih kemargine sejawaning toyan sabeh.
 - d. Ngentungan luu wiadin mekoratan kepekarangan anak lian , kemargi kalih ke kekalen
 - e. Sape sire ugi sanepiwal ring paos 2 inucap ring ajeng
 1. Sang piwal kedende manut perarem.

2. Sang piwal ngetosin prabiya kerusakang sane kutang olih prajuru Desa Adat tur tan dados katulak .

PALET XIV

NGENTASANG SAWA

Paos 31 INDIK NGENTASANG SAWA

1. Ngentasang sawa kapatutang ring pemedalan pekarangan sane mula yogya pemargin sang madruwe sawa, yadiastun wenten pemedalan siosan
2. Ngentasang sawa ring tegal wiadin carik ke patutang manut pituduh prajuru Desa Adat wiadin subak manut pararem
3. Indik tata cara ngentasang sawe ring tegal wiadin carik kesuluran sekadi ring sor :
 - a. Tanah sane kemarginin sawe punika patut keprascita olih sang medrue sane tur kemargiang ring sane ke untap pinih ririn selantur ipun tanah sane keentap pungkurang wantah kesiratin antuk tirta pemerascita punika.
 - b. Yaning ngentasang sawe ring tukad pangkung wiadin telabah sang medrue sawe tan sandan mekarya pamarascitanya.
4. Yaning wenten sawa wiadin barang siosan sane sinanggeh leteh ,manut Agama Hindu tan wenten kejantenang sang madrue ,patut keprateke / kapendem olih l krame Desa Adat sane madrebe kekuwub genah sawa/barang leteh punika sesampune polihkebebasang saking Guru Wisesa.
5. Padem ring pekarangan umum, tegal wiadin carik anak lian genahe punika patut keprasyascita olih sang medrue sawa

PALET XV

WEWALUNGAN

Paos 32 INDIK WEWALUNGAN

1. Sahanan/warga/krame Desa Adat Pempatan sane miare seluwiring wewalungan pemekas :
 - Bawi ,Kebo ,Misa,Jaran miwah sekancannya patut sayage negul maggda tan ngerusak pekaranganya miwah pekarangan anak lian napi malih jantos ngeranjing ke kahyangan.
2. Parade wenten wewalungan jantos ngeleb kepekarangan anak lian , ngeranjing ke kahyangan , patut keuningan yan ring sang madrue wewalungan .Prade jantos ngerusak patut kesadokang ring prajuru Desa Adat mangde ketiwakang danda manut dosannya.
3. Yan sajeroning asasih jantos ping tiga sampun ngerusak wewalungan punika dados ketaban ,sang naban nguningang ring prajuru Desa Adat .
4. Wewalungan sane ketaban punika patut kepiare sang naban mangda tan jantos padem sedurunge katebus olih sang madrue .
5. Sang medrebe patut nebus keduluring antuk danda manut kerusakan sane kewetuang ,miwah prebiyan miare salamin ipun ketaban agung alit penebusan wiadi prebiyan miara manut pararem
6. Yan wewalungan padem tan saking kekardinin sejeroning mataban ,sang medrebe wewalungan tan wenang ngarsayang pengentas pengargannya taler

sang naban tan wenang ngarsayang pengentas pengargannya taler sang naban tan wenang ngarsayang prebiyan miare ring sang madruwe

7. Bilih jantos ping tiga polih ketaban ,wewalungan punika wenang keambil tur kedruenang olih sang maban tur tan dados ketebus manut ke bebasan prajuru.
8. Wewalungan sane ngelet tur ngeranjing ke Kahyangan sinanggeh ngeletuhin , sang madrue wewalungan patut kesisipan danda upakare pamarisuda sepatutnya meweweh bia kerusakan manut pemutus perarem.
9. Yan wewalungan sane ketaban jantos asasih suwenipun tan wenten anak marianken wewalungan san naben manut kebebasan prajuru.
10. Tata carane maban miwah wewalungan mangde mejalaran sahuning prajuru.

PALET XVI

KULKUL

Paos 33 INDIK KULKUL

1. Krama Desa Adat Pempatan patut medrue Kulkul
2. Kulkul punika keanggen wangsit ring ikrama Desa Adat
3. Tabuh tetapkan kulkul punika kepastiang mesios-siosan manut tatujon luih ipun :
 - a. Tetengerang ngewentenang peparuman wiadin ngayah
 - b. Tetengerang ngelaksanayang yadnya ring Kahyangan
 - c. Yan wenten sinalih tunggil warga desa sane seda
 - d. Wenten sinalih tunggil warga banjar lanang /istri sane memiwahe
 - e. Tetengeran wenten baya,angni baya , kemalingan ,kepelegandang , ngamuk / keamuk miwah sekancanya
 - f. Tetengerang ngurungang ngelaksanayang pekaryan banjar (katepak ping lima (5))
4. Kulkul punika tan wenang katepak yan tan mabuat manut sekadi sane manged ring ajeg
5. Sang nepak kulkul sangkaning wenten ketiben baye,angni baye, kemalingan sekancanya patut digelis nguningayang ring prajuru Adat saha pesuaran kulkul ritatkale katepak yaning sampun manut sang nepak tan kesisipang
6. Yan suaran kulkul tengeran mekarya parum patut kerawohin olih ikrame penyungkem manut dedauhan ,siaran.
7. Yan suaran kulkul tengeran baye pati , angni baye ,patut kededumunin olih ikrame pengayah lanang miwah taruna-truni sahe makte gegawan mapitulung manut kerawuhan bayane (kulkul-bulus)
8. Sahanan kulkul banjara sawewidangan desa Adat Pempatan patut sareng katepak, pradene wenten sinolih tunggil kulkul banjara nyihnayang wenten kebaya patina wiadin agni baye
9. Suaran-suaran kulkul tetengerang punika kemandang ring pemutus paruman ikrame adat sane ngawentenang runtut-runtutan pasuruan kulkul bobutnya.

DUSTA MIWAH BAYA

- Paos 34 INDIK DUSTA /BAYA
1. Sahanan wirya Desa Adat prade uning ring wenten jadma dusta wiadin baya ring sajeroning Desa Adat ,patut digelis kauningayang ring Prajuru
 2. Bilih mabuat pisan kawentenan ipun sang uning punika mangde digelis nepak kulkul banjara Chihne Ikrame Endeh
 3. Sane sinanggeh dusta miwah baya kasengkalan luih ipun :
 - a. Kabaak
 - b. Kemalingan
 - c. Kapelengandang
 - d. Kageni Baya
 - e. Kabelabaran agung
 - f. Miwah sekancan ipun
- Paos 35 TATANING MASESEREP
1. Iwarga Desa Adat sane keicalan /kemalingan prade pacang maseserep patut nunas keledangan (kebebasan) miwah manut ring prajuru adat.
 2. Prade genahe maseserep ngelangkung ke Desa Adat siosan, patut nunas kebebasan utawi uwak-uwakan saking prajuru punika.
- Paos 36 INDIK POLIH NUDUK BARANG
1. Sahanan warga Desa prade polih nuduk barang sahe luih ipun patut nguningayang ring prajuru Adat
 2. Prajurune nyiarang kewentenang barang dadudukan punika mangde sang sane merasa madrue barang sane keicalang sehuninge
 3. Sang sane mariangken mangde nyihnyayang barang punika wiakti wantah padruennyane
 4. Sang sane polih nuduk barang punika dados nampi panibus manut keledangan sang madrue
 5. Prade jantos tigang sasih tan wenten jadme sane mariangken barang punika wenang kedrue olih sang sane nuduk

PAMIDANDA

- Paos 37 INDIK WEWIWAKANG PAMIDANDA
1. Banjar wenang niwakang pamidanda ring wong banjara sane sisip ,kalaksanayang olih kelian banjar nunggal-nunggal manut dadudonan.
 2. Bacakan pamidanda luwire :
 - a. Ayahan panawar kasisipan
 - b. Danda arta
 - c. Panikel urunan utawi panikel danda
 - d. Upakara panyangaskarang
 - e. Kawusan makrama

3. Pamidanda sane katiwakang patut manut ring Awig-awig ,pararem pasuara utawi dresta miwah Agama,tur adung ring kasisipan
4. Jinah utawi raja brane pamidanda ngeranjing dados druwen banjar

Paos 38

RERAMPANGAN

1. Saluwiring dandan ,paturunan ,hutang sane tan tuntas katawur sajeroning pawanengan ipun nganut pararem ,patut kemargiang karampang an 3 x tidak banjar
2. Sane kangin karampang luwir ipun :
 - a. Ingan-ingan suka kalih
 - b. Ingan-ingan suku empat sawawaning banteng,kebo,misi miwah kuda
 - c. Saluwiring prabot ,sawawaning prabot pawon ,prabot kacarik,kategal miwah prabot sane kaangen ngarerteh pangupa jiwa
 - d. Saluwiring entikan-entikan / pamula-mulaan
3. Satampekan ipun piutang rahina saking rahina pacing ngamargiang karampangan patut kawentenang pamitan ring sang luir karampangan olih iprajuu Desa Adat
4. Yaning dedandan paturunan miwah hutang -hutang punika katawur buntas ring rahina karampangan olih punika, karempengane kewandeang
5. Pamargin karempengane sekadi ring sor punika :
 - a. Pare prajuru kasarengin antuk ikrame banjar ngarawuhin kaumah sang jage karampang sane kasarahang kaangen mutusang utang paturunan ,dedandan
 - b. Yan tan jangkep buntas , hutang paturunan dedandan ipun saking barang-barang sane kasarahang punika sekadi karempengane kangin malih karempengane padreben ipun kapungkur
 - c. Barang karampangan punika patut kaadol semaal-maal ipun sesampune kebaktayang ring krame Desa Adat
 - d. Yaning olih-oli karempengane punika hutangan ring gebongan utang dedenda paturunan ipun patut kabudalang ring sang madrue barang
 - e. I prajuru tan polih punapi-punapi saking olih-oli karempengane punika.
6. Yaning sang karampang tan arsa ngerahang padreben ipun ,Iprajuru tan dados mamaksa ngambil padreben ipun .Sang asapunika kangin tan kasarengin makrama Desa Adat , sesampune kacumpanin antuk ikrame Desa Adat
7. Sang sane tan kasarengin makrame kadi inucap ring ajeng,kangen ngaranjing malih makrama Desa Adat , sesampune nawur nikel ping kalih pupulan utang, paturunan miwah dadenda ipun pecak.

SARGA D

TATATREPTINING PAWONGAN

PALET XIX

Paos 39

INDIK PAWIWAHAN

Pastika Alaki Rabi

1. Indik pastika alaki rabi /pawiwahan ring Desa Adat punika kamangehang ,daging Awig-awig Adat punika kamangehang ,daging Awig-awig perkawinan Negara Republik Indonesia No,1 Tahun 1974 miwah pp No.9 tahun 1975.

2. Saningih tungilkrame sane kepastiang syah alaki rabi yan sampun manut ring daging undang-undang ring ajeng saha ka Widhi Widana manut lan Agama Hindu
3. Pangesahan pawiwahan antuk upakara Widhi Widana mangde kasaksioli Prajuru turin patut nawur Jinah pasaksiang sane kwehnya manut pararem
4. Yaning wenten ikrama marabian ring anak megama tiosan ring Agama Hindu mangdane kepuputang upkara ipun kadasarin antuk pasilih asih ,soang-soang kulawarga sane ngawahin tur kanutang ring Undang-undang perkawinan ring ajeng
5. Pawiwahan tan kemangehang sah :
 - a. Tan nganutin Undang-undang ring ajeng
 - b. Sinalih tunggil wenten nyarengin Natab upacara pasakapan
 - c. Nenten wenten saksi miwah ilikita

Paos 40 NGEROROD / NGERANGKAT

1. Krame sane nampi wang ngerorod patut premangkin mesadok ring prajuru / kelian banjar
2. Iprajuru / kelian banjar Adat patut di gelis netesang ngerorod, make buatang marityaksiang manut utawi tan manut ring dresta
3. Bilih sampun pemargine nepek ring dresta sang ngerorod miwah sane nampinin polih pemikukuh pesayuban mekadi prajurune
4. Prade pemargine tan manut ring dresta prejurune digelis melasang kinirakira ketetehing kawehin pesayuban ring Jero Keliane
5. Kelian banjar patut digelis ngutsahayang manut wikang sang punika , prade doh genah linggihnyane ring dure Banjar /Desa utsahane katur ring sang rumaos (Pemerintah)
6. Sang maniseko sesampune keparitetes yaning ipun warga banjar patut kedanda manut pararem , nanging yan ipun wong dure Banjar patut ketundung saking Wewidangan Banjar Desa Adat
7. Krame sane patut ketetes saha katurakse manut ring prakertinnyane yan saruron ring corah nyarengin matikeyang, wenang kadanda ageng alit manut pemutus Prajuru saha katepakang ring pararem

Paos 41 WETES

1. Sang maseserep pacing netes pengerorodan patut mesadak tur nunas penuntun ring Prajuru . Iprajuru patut nurekta sang netesang saserep punika,jati tan jatine patut pernah wiring ring sang ngerorod.
2. Yan linggihnyane jati-jati pernah wiring Kelian Banjar /Prajurune patut di gelis ngater sang meseserep punika keumah genah sang ngerorod
3. Sang meseserep patut tinut ring sepituduh prajurune ngeninir patetes pengrorod luire :
 - a. Ngeranjing keumah inucap tan langkung ring 2 (duang) diri
 - b. Tan kengin makte sanjata / gegawan sakalwire
 - c. Tan kengin mebaos kalih matingkah purusa (mung kang)
4. Sesampune prajuru/ kelian banjar adat , patut midabdabin mangde tata cara pametesane trepti make buatanne magde aneki Istri sane ngerangkat jati-jati polih nerangang idepnyane saking bebas pisan , lui pidabdabe :

- a. Anak istri genahang ngeraga tan dados anak sewosan nampekin tur tinas ring inange
 - b. Iprajuru nenten nyulurang ,mangde sang meseserep polih metaken ring sang istri punika
 - c. Iprajuru nyumaka tuyang pemekas ring anak istri,yan pade arsa ,pang ngerorodane sang maseserep pacing katulakang yang saking papasan sang lanang pacing ketiwakin pemitadanda
5. Pemutuse prajuru dumugi melaksana masuk ring idep anake istri inucap yan atur upeksa ring prajuru kandugi :
- a. Marep ring sang nampi
 - b. Marep ring sang ngerorod indik a,b,kawentenang dadendan manut pararem
6. Yaning piwal utawi tan minutin pidabdan alaki rabi kadi inucap ring ajeng patut kadanda ageng alit manut pararem

Paos 42 PALAS MERABIAN

Indik palas merabian nganten

1. Patut mesadok ring prajuru Desa Adat tur sang mekrame polih/polos punika kasisipang kalih kedabdab/kedanda pararem
2. Pastika sah palas merabian ,yaning sampun wenten bakti ilikita surat ponis saking Pengadilan Nengri tur saha me widhi widana manut Agama Hindu
3. Yan atep mapikurenan malih taler patut mesadok ring prajuru tur nganutin paos-paos ring ajeng.

Paos 43 TAN DADOS ALAKI RABI

Pawiwahan sane tan kadadosang :

1. Patunggilan rah (garis lurus ke atas)
2. Wenten petunggilan rah kesamping (antara saudara/sandra kandung)
3. Kapernah matue utawi mantu
4. Wenten patunggilan susuan (anak susuan orang tua susuan , Sandra susuan)
5. Kapernah biang utawi kemenakan.

PALET XX

SENTANA

Paos 44 INDIK DARMANING SENTANA

1. Sinolih tunggil ikrama yan pacing ngidih /ngangkat sentana patut nganutin darmaning sentana kadi ring sor punika :
 - a. Sane dados idih anggen sentana jadm sane during mepikuren tur tuwuh ipun alitan ring sane ngidih pinih riin patut ngambel sane ring turunan ring semeton lanang. Yan tan wenten sane sandang ambil irika wawu dados ngambil turunan mingsiki/misan saking purusa. Asapunika selantur ipun ngantos rawuh katunggalan sanggah gede pajenengan .yanirika taler tan polih wawu dados sekame-kame
 - b. Tan wenang ngangkat sentana yan tan manut sekadi ring ajeng sejawaning polih kebebasan saking pekadangan .

- c. Sah menggah sentana manut Desa Adat Pempatan yan sampun kedulurin antuk upakara widhi widana sane kesaksinin antuk Prajuru, kelanturan antuk nunasang pamutus ring guru Wisesa (Pemerintah) tur kaunggahang ring ilikita.

Paos 45

NGANGKAT SENTANA

1. Sang keanggen sentana dados lanang dados istrimanut kayun sang ngarseyang/ngidih tur dados lintangan ring adiri
2. Yaning wenten jadme madrebe sentana luh ngerawuhang anak muani tur patut mapikuren, sekantun ipun mepikuren tan kangen I sentana luh ngerawuhang anak muani siosan anggen ipunkurenan malih.
3. Anak muani nyeburin anak luh tan dados ngerereh kurenan malih yan tan polih kebebasan saking kurenan utawi matuan ipun
4. Yening sentana luh punika padem sang nyeburin patut keperas olih matuan ipun sadurung mepikurenan malih .pianak saking kurenan bau patut polih waris saking padreben isentana
5. Yaning sentana luh miwah matuan ipun padem tur tan madrebe pianak , jadme muani punika kenginngerereh kurenan malih yaning sampun polih kebebasan olih pekandangan I sentana sane pinih nampek , pianak saking kurenannya bau patut polih waris saking padreben I sentana
6. **A.** jadme muani sane nyeburin sentana Luh tur sampun ngawentenang, pianak prade pade padem I sentana Luh miwah I matue ipun tan dados ngerereh kurenan malih yan tan polih kebebasan pianak
B. Yan pianak ipun kantun alit kebebasan punika kakidih saking pekandangan I Sentana sane pinih tampek
C. Yan sampun polih kebebasan A,B, pianak saking kurenannya bau patut polih waris saking padrebean I sentana , sejawaning wenten ilikita pasubayan sane sampun kesahang olih Iprajuru olih Prajuru Desa Adat.
7. Jadme muani sampun mapikurenan tur madrebe pianak raris nyeburin sentana Luh, pianak sane sampun wenten punika patut polih waris saking pelekadang umahreramannya muani punika.
8. Jadme medrebe pianak luh muani lintangan ring adiri parade I rerame padem pianak ipun sane Luh during mapikurenan , dados madeg sentana ngerawuhang anak muani keanggen kurenan yaning wenten kebebasan saking nyaman - nyaman ipun sane muani-muani.
9. Anak Luh makurenan tur ngajak pianak astra /babinjat ipianak astra punika patut polih waris saking Pagunakayan memen ipun sederenge mekurenan sejawaning wenten pasubaye lian
10. Peduman waris minekadi :
 - a. Pedum waris pianak Muani ngelawan pianak Luh pateh- pateh yening sane Luh dados daha tua sentana
 - b. Pewarisan kengin kaedum tur kekuasayang olih I pianak sesampune reraman ipun miwah Leluhur ipun kebenaran.
11. Daha miwah taruna tua tan kuasa ngagkat sentana.

PALET XXI

BEBALUAN

Paos 46 INDIK BEBALUAN

1. Bebaluan Luh Muani baya sentana patut ngenanggehang darmaning balu
2. -----
 - a. Karang kawis (arta brana) padreben kurenan ipun sane wit waria kekuasang antuk Ibaluan ,nanging tan dados keadol kegadeang, kepekidihang, kasingkuhang yan tan polih kebebasan saking I pianak
 - b. Yan tan medrue pianak kebebasan punika kerawuhang saking pekandangan kurenan ipun sane pinih tampek
 - c. Arta brana sane wit saking paguna kaya kekuasayang antuk ibaluan
3. Bebaluan sane memitra, memitra galang, ngerorod, dados katundung antuk I pianak .yan tan medrebe pianak wiadin pianak ipun kantun alit pekandangan pekurenan ipun sane pinih tampek.
4. -----
 - a. Bebaluan Luh wiadin Muani sane ketundung wiadin sane saking manah ipun ninggal umah kurenan ipun pecak dados nguasayang atenge saking pupulan paguna kayan ipun sareng kurenan ipun pecah.
 - b. Yaning bebaluan punika pecah makta tadtadan ,tadtadan punika kengin kekuasayang antuk Ibalu

PALET XXII

WICARA

Paos 47 SULUR WICARA

Sane wenang mawosin minekadi mutusang wicara ring Desa Adat inggih punika Prajuru (Bendesa Ada/Kelian Adat)

Paos 48 INDIK SANGSI WICARA

1. Sahanang wicara sane mawiwit kecorahang sekeluiring miwah sinanggeh mungkasing daging Awig-awig pasuare-suare miwah pararem Banjar patut raris kebawosintan ngentosang pesadok
2. Sejabe wicare sekadi ring ajeng patut ngantosin pesadok sang nunas bawos

Paos 49 PAMUTUS WICARA

1. Sahanan wicara patut katepatin jantos pastika janten iwang patutnya malerapan antuk Tri Pramana (bakti saksi alikita)
2. Pamutus patut tan maren nepek ring catur , dresta saha madasar antuk Dharma Susila , nyudiang lokika sanggraha
3. Sahanan Pamutus patut tan maren ngupadi :
 - a. Mangde Warga Banjar tan sayan pastikeuning ring wawastaning iwang patute
 - b. Mangde sang kawon tatas uning ring kaiwangan dewek nyane
 - c. Sang malih tan maren katuntun mangde, sampunang bas nginggilang keputusanya , lilalagawe nyampure sang nyisip
 - d. Nyapsat bilih-bilih papinehe mameseh-mesehan

4. Prade wenten wong Banjar medal ring pemutus Prajuru /Kelian Banjar ,bilih-bilih yan punika sinanggeh ngawinang duskertan Banjar,patut lprajuru (Kelian Banjar nunasang Pamutus ring sang rumawos)
5. Wong Banjar sane keberatan ring Pemutus Kelian Banjare, wenang nunas bebandingan ring Pemerintah

PALET XXIII

NGEMBASANG RARE

Paos 50 INDIK NGEMBASANG RARE

1. Yan krame medruwe putra masengker tigang rahina saking embasan nyane ,patut masadok ring Kelian Banjar
2. Kelian Banjar ngunggasang sang embas punika ring ilikita Banjar
3. Yan wenten krame ngembasang putra buncing (sanang Lanang kiyinan ,tur sane Istri ungkuran) indik punika patut kabawos manah salah
4. Prade Banjar marase keletihan sajeroning kramenya maputra buncing patut banjara ngawentenang upakare pamarisudan Banjar manut Agama Hindu Lan Dresta
5. Yaning rare punika padem during kepus pungsed tur ngranayang Leteh Banjar
6. Sang istri sane maputra kawastaning Leteh ring rage ngantos masengker rarenya mayusa 3 (tigang sasih)

Paos 51 KALE BUBANGAN

1. Yan wenten krame kala bubangan (sada) masengker aselid, patut masadok ring Prajurune (Klian Banjar)
2. lPrajuru ngunggahang sang seda ring ilikita Banjar tur nepak kulkul Banjare Chihna Banjar wenten krame sane padem wiadin ka cuntekang manut dresta.

SARGE E

PENUTUP

PALET XXIV

INDIK PENUTUP

Paos 52 PARAREM

1. Paruman krama panyungkem Desa Adat Pempatan patut ngemedalang pararem anggen nyangkepin daging Awig-awig manut kaperluan lan dadudonannya
2. Daging sahanan pararem -pararem tan dados tangkas ring sedaging Awig-awig
3. Sahanan paindikan sane during munggah ring wacakan Awig-awig puniki jagi kawentenang tur kamargiang manut pamutus pararem riwekas
4. Prade yan wenten nguwah-nguwahin Awig-awig punika patut kacumponin pinih akidik olih lintangan ring atenge ikrame Adat Desa Pempatan malarapan antuk pasilih asih (masyarakat)

Paos 53 MUPUT AWIG-AWIG

1. DESA Adat rikale ngamargiang sadaging Awig-awig miwah usaha Banjar patut tan maren :
 - a. Sasolahan utawi mawirasa ring sahanan prayogya sane taler ngawi wenang wong Banjar inucap
 - b. Setate ngutsahayang ngardi pagenahan pakaryan sane sayan niucapan guna lan kabecikang genah punika, miwah kalangengang tur ngalimbakang kebudayaan Banjare lan kawikannye soang-soang
2. Awig-awig punika kalingga tanganin antuk Bandesa Adat (KelianAdat Pempatan)
3. Sajabe linggan tanggan kadi inucap ring ajeng maka saksi taler kawikanin tur kalingga tanganin antuk :
 - a. Kepala Desa (Dinas) Batungsel
 - b. Camat Pupuan
 - c. Parisada Hindu Dharma Kec.Pupuan
 - d. Parisada Hindu Dharma Kab.Tabanan
 - e. Kepala Kantor Dep.Agama Kab.Tabanan
 - f. Ketua Badan Pelaksana Lembaga Pembina Adat Kab.Tabanan
 - g. Bupati Kepala Daerah Tingkat II Tabanan

Ngawit saking aksara A ngantos ring aksare G ring ajeng punika Saksi lan Pamikukuh sedaging Awig-awig.

Pempatan ,tgl 7 Oktober 1970

Kepala Desa Batungsel

Kelian Adat Pempatan




I MADE TANGSI

Camat Pupuan

Parisada Hindu Darma Kecamatan Pupuan .

Parisada Hindu Dharma Kabupaten Tabanan

Kepala Kantor Departemen Agama Kabupaten Tabanan

Badan Pelaksana Lembaga Pembina Adat Kabupaten Tabanan

Bupati Kepala Daerah Tingkat II Tabanan

Om santih-santih- santih om.

